

懷遠縣志卷之二十六

賜進士出身安徽鳳陽府懷遠縣知縣孫讓脩

良吏傳

漢荀淑字季和潁川潁陰人也荀卿十一世孫也少  
有高行博學而不好章句多為俗儒所非而州里稱  
其知人安帝時徵拜郎中滿載遷當塗長

懷遠即古當塗也

去職還鄉里當世名賢李同李膺等皆師宗之及梁  
太后臨朝有日食地震之變詔公卿舉賢良方正光  
祿勳杜喬少府房植舉淑對策譏刺貴倖為大將軍  
梁冀所忌出補朗陵侯相蒞事明理稱為神君頃之

懷遠縣志卷之二十六

良吏傳

一

弃官歸閑居養志產業每增輒以贍宗族知友年六  
十七建和三年卒李膺時為尚書自表師喪二縣皆

為立祠

後漢書荀淑傳

元廉松壽海牙為達魯花赤在官廉謹有政聲

府志

梁端泰定間縣令溫文爾雅勤慎廉能士民敬憚祀

名宦

舊縣志

明唐蔚洪武二年任開立縣治撫綏新附建設文

廟及諸衙舍雖當草創未能盡備而規模定矣

舊縣志

楊鏞永樂間知懷遠縣以廉謹自持陞知沂州去任

百姓攀留不能釋祀名宦

舊縣志江南通志



黨質陝西蒲城人宣德九年由貢士任立政寬平有蝗不入境之異

舊縣志

李壽寧昌人天順年由舉人任寬仁愛下脩學有功

舊縣志

李豫廣東高要人正德七年由歲貢任築城荆山為

中都屏蔽又脩學有功

舊縣志

傅堯臣字濟唐直隸永清人由舉人任勸強扶弱遇

事敢為

舊縣志

徐玠直隸涿州人廉仁有為百廢具興開民間隙地脩學前神路及建尊經閣名宦祠歷陞河南府同知

懷遠縣志卷之三十六

傳良吏

二

兵部員外祀名宦

舊縣志

任俊字先父

縣志作父先從府志

雲南人廉靜愛民歷久不易

積穀萬餘遇荒賑濟民賴以活既去而人懷之祀名

宦

舊縣志

楊鈞任侯去思碑記曰嘉靖八年己丑夏六月立

軒先生任侯自洪雅學諭遷合懷遠邑滋敝矣民

將日流侯於是乎慨焉以咨于邑之長老乃諸長

老以侯虛心下問則亦敷心以陳於侯乃聰聽而

服行之弊日有釐法繇以申政日有易民繇以治

是故弊政易而不苛則民自宜成法申而弗玩則



政自脩人玩以弊侯勅以新則病民者去而惠政  
行矣不其治乎越十有二年癸巳夏四月侯以憂  
去踰年而民有思焉者矣歷數年而思焉有太息  
者矣政積以更弊乘如故流者以失業而思居者  
以憂生而思耕者以違時而思訟者以關節而思  
輸者以掊尅而思牧者以科擾而思役者以勞頓  
而思以徵賦思者激于斂也以營建思者困于罰  
也以水旱思者傷于稼也以賑貸思者阻于飢也  
以商販思者危于盜也以歲課思者浮于額也思  
之不獲則以咎諸長老曰曷不聞于我司命惠我

懷遠縣志卷之二十六

傳良吏

三

下民夫孰無任侯之心者哉諸長老亦太息焉唯  
唯以謝乃爲稽其所思各系之蹟而紀諸石曰思  
昔任侯流亡是謀乃資其業三年不徭鑿井耕田  
荒野旣闢乃禁里胥催科勿及聽訟折獄惟公惟  
恕獄平訟簡民咸仰慕兩稅有期一聽于民好義  
樂輸急公爲心計地牧馬令民勿租弊于典牧賴  
公以蘇錢穀出納虛文飾實上下乾沒視爲故習  
公嚴杜之吏胥屏跡庶役繁興民不堪命每歲均  
徭勵精審定舊設民壯百有餘人後增過半以供  
私門裁革如初防禦彌寧妄增弓兵期年一更富



以賄免役多貧民悉令還農差役以均迎送上官  
經過鎮市沿途起夫大妨耕織里甲爲之各獲其  
益繕治公所人以為嫌費措於官民無與焉水旱  
頻仍尤爲惕慮濬治陂塘時其泄聚贖刑有金易  
爲稻穀常平之倉萬有餘斛祈求雨澤夙夜披誠  
徒跣以禱大沛甘霖邑當渦淮帆檣弗絕間隱賊  
舟時或竊發多置邏卒早暮譏察寇攘以息高枕  
明月公私冗費裁省殆盡歲當覲朝恪遵例禁沒  
官房舟分給居民課有定額三歲一征侯一不取  
糴穀陳陳倘遇儉歲給爾饑民侯今旣去民心不

懷遠縣志卷之二十六

傳  
良吏

四

忘勒石誌慕有若甘棠侯諱曰俊字維先父其號  
立軒西秦華系時維嘉靖十有八年己亥季秋闈  
邑公鑄

商承學浙江淳安人嘉靖十三年由舉人任清謹有  
爲行取監察御史

舊縣志

高天爵直隸交河人嘉靖二十一年以歲貢任敦樸  
廉約告致而去

舊縣志

秋逢慶河南汝陽縣人廉靜有威以憂去復除南宮  
縣陞南京太僕寺正南京戶部郎中祀名宦

舊縣志

陳鈿秋公去思碑記曰公名逢慶號沙坪汝陽縣



人少魁河南鄉薦嘉靖甲辰秋七月尹懷遠邑介山水間河決則渦流洶湧交滙于淮故多水患居民物產綿薄無足深恃在昔差派惟邑稱最後法軌放逸非役之役非徵之徵月異而歲不同疾首蹙額轉徙流亡相繼矣公蒞任銳精治理首酌沿革著爲條約繼設木鐸宣布聖諭時其警省又書善惡二牌揭于門之墻廡以昭懲勸剔剗宿弊廉察奸宄公衙由內達外慄如也吏遵約束非有召不敢輒至堂階折獄惟良枉直一訊立辨獄無留繫內懸一鐘有鬱許囚撞擊幽隱畢達深念里甲

科報擾民悉從裁省日用所需出費取給于市無擾徭役均平正額之外初無濫設流民間風擔負來歸荒土益闢歲辦錢穀恐收催失時爲民病各立限責以便輸納約有羨餘融足逋逃取盈之數不欲大戶賑捐偏累邑中連值大水多方存恤豫爲勤懇申請得蒙蠲免民賴以安每用重刑必令獄卒登記朔望開報因默諭寮案以示慎重意地緣山險舊無墉壑歲苦賊患守護民壯禁私役包占專務練習用戒不虞相度關隘去處添置柵欄警柝達旦仍申嚴保甲凡遊惰酗博奸宄惑衆者



皆有厲禁而兩河多外戶影射雜處懼奪民利且  
生覺端常加檢括譏察匪彘驅逐出境自是寇攘  
殘暴屏迹作新文教黌舍門宇規拓改觀力請董  
學侍御馮公增廣生員凡四十人閭閻嚮風彬彬  
多文學士矣公政先綱紀廉潔威明摧克植良興  
禮勸學表正風化尤其大者賢聞懋著遐邇想望  
風采爲當道器重崇獎絡繹隣郡疑獄不決或勢  
軋權貴盤錯棼結多命治之剛正之氣不少疑二  
摧沮據律讞斷彙多平反臺憲交疏薦剡將擬徵  
用了未聞九月聞外艱去之日士庶追送哭擁遮

懷遠縣志卷之三十六 傳 六 良吏

道計公在任歷三載民至今思之如一日書曰安  
民則惠黎民懷之又曰民罔常懷懷于有仁感通  
之理固其然爾遂爲記以永其思云時嘉靖三十  
三年冬十二月吉

駱駘浙江諸暨人嘉靖二十六年以選貢任心情坦  
直愛士恤民與時不合棄官歸 舊縣志

孫維禮山東寧海州人嘉靖三十三年以歲貢任老  
成練達民鮮怨者告致回籍 舊縣志

何立號小坡河南信陽州人嘉靖四十一年任陞湖  
廣安陸府同知致任 舊縣志



王世貞何公去後生祠記曰蓋何公之去懷遠令而丞德安郡也實嘉靖末云公去無何而邑之士民謳思不已則立碑以紀其績久之而其思又不已則相率構祠以祀之方是時何公里居無恙旣構祠其士民請於臺使者邵公胡公曰在職而立祠若碑者有禁何令故里居非在職者也徵其所謳思則士人爲詩爲文以章何公者彬如也且曰不腆懷遠萇爾下邑往者民苦征徭相率而徙去何令至始招徠之稍稍還集恤其隱而補其不足勸課農桑旌勤懲惰籲雨雨澍撲蝗蝗滅民室復

稍稍實矣粟米力役之征以次辨治而不告困乃新學宮而告其弟子曰是選於民者也又進其縉紳而禮之曰是選于士者也凡崇禮教嚴規條皆所望於諸君子先吾民而風之者也於是化行俗美非復舊觀萑苻猶不時警乎耳令威則銷兵爲耕耒矣籬金居間者乎耳令廉望車門而却走矣何令之爲懷遠也且五載部使以卓異累上以高第當入備諫察不則亦郎署丞于格少次不當乃何令怡然自如也爲丞未幾飄然致仕歸絕口不名功夫何令不名懷遠功懷遠之士民胡可以不



名何令功也于是邵公胡公曰然其捐贖緩資之  
及邵公在滿而崔爲代會報祠成崔公布書幣使  
使渡江謂得不佞言以文麗牲之石昭何公於永  
久余不識何公然嘗識公之父大復公文大復公  
以行誼風槩稱宏德間其文遂能振六代之衰而  
成正始何公故少孤當盡讀父書否耶何清惠爾  
雅之用章章如此也公之子學士洛文太史洛書  
方脩其大父業雅重于朝夫大復公不盡食德而  
以貽何公何公又不盡食德而以貽二子然則惟  
有德者克昌後裔抑惟有德者尸祝兆民持此以

懷遠縣志卷之三十六

傳良吏

八

示懷遠之士庶於伏臘之日讀之庶幾少慰哉何  
公名立別號小坡汝之信陽人以鄉進士來邵公  
名陞胡公名秉性崔公名廷試俱以進士來時萬  
歷乙卯春二月吉旦

林大槐福建莆田縣人持身清約日食止一蔬蒞下  
仁明簡訟寬刑脩復陂塘積貯倉粟卒于任無以爲  
殮萬歷五年營田道史公采士民公論申請祀名宦

仍移文莆田祀鄉賢

舊縣志  
江南通志

王之佐號正齋湖廣蘄州人隆慶二年以舉人任居  
官廉慎升都察院都事戶部郎中

舊縣志



謝教號松崖浙江於潛人隆慶六年任清謹安靜有循吏之風升忠州知州撫州府同知

舊縣志

鄭際可萬歷十三年由舉人任持身廉謹丈地均糧不避勞怨民咸賴之

舊縣志

經仁恒廣西全州人萬歷十三年任清謹寬厚士民安之立生祠于荆山

舊縣志

劉功允湖廣黃岡人萬歷十六年任廉明仁恕禮士恤民邑人建生祠于東山

舊縣志

劉一鵬萬歷二十四年由舉人任才識精明計慮詳審問斷則寬抑畢伸催徵則侵冒悉禁立文會課生

懷遠縣志卷之三十六

傳良吏

九

儒清學田惠貧士他如除窩匪遣積惡發假印之吏奸革回用之習弊積穀數倉賑荒有賴力白袁生之冤申表貞女之節皆其大者也

舊縣志

王存敬字明洲河南確山縣人萬歷進士豈弟和易泣事明斷時值歲歉亟圖撫恤給牛種哺飢民申革飛稅調停夫馬奸骫潛消市廛安業行取監察御史去之日士民泣送者絡繹不絕祀名宦

舊縣志

省志凶荒頻仍亟圖休養墾荒賑飢仁聲播于遐邇

高懿北直隸寧晉人萬歷三十九年以選貢任才識



敏練大有明斷舊縣志

王可舉四川崇慶州人萬歷四十三年以舉人任慈

藹平易有古循吏風舊縣志

張中蘊永嘉人萬歷四十八年以進士任性忼直居

官不攜眷屬一綈袍數年不易歷知鳳陽府江南通志

史諫湖廣安陸人天啓五年由選貢任平易近人士

民安之舊縣志

高達湖廣襄陽縣人崇禎七年由選貢任慷爽有才

氣不避強禦力除奸民明末流寇入境公于文筆峯

設疑兵賊遂遁民賴以安後竟被劾歸復補廣西上

懷遠縣志卷之三十六傳良吏 十

林縣康熙丁巳士民追念前功申請入祀名宦舊縣志

高合君德政碑記曰襄陽高君治懷越歲是為崇

禎甲戌余不佞以忤時歸口口道近懷之考城聚

聚口壽春濠梁要口也余口聚中人口其茆茨短

垣鷄犬相聞緣滯信宿聚有諸生數輩口口口口

致口口而談口口口口人風味余論而訝曰目今

秦晉口此地靜正清嚴民安物阜抑何恃邪諸文

學曰口口口口土不盈尺累歲無年幸天以人口口

襄陽口懷而窮鄉得安堵者僅隔歲且襄陽口口

口鄭僑哉余亦曰嘻願聞之文學曰當侯之入境



也儼然如賓旭日口既而坐堂皇進父老而問民疾苦宛然家人口口里庶私相謂曰君子哉不越浹旬遂乘匹馬而巡行阡陌勞苦補口之馥四境懽呼曰疲敝之區何幸得一子產口嗣是時以勤慎教民脩廢舉墜掾曹以拱手而聽約束無得措一口三尺民有以金矢讞者朝而入晡而退鎗口無所費他如甌中守者亡口纖毫民樂輸如額卽隸卒不攝人於野商口筆不口文於解犴狴亡啣寬於喑外是窮詰天罡畢正以法而良善以安脩濬城池務工險鑿而堅壁有賴卽龔黃口也甚

之殪鄉虎而討其乳剪其翼口口口口口口口口諸人者因復山水之割泐而萬井得以灌炊并疏官口述口以寧是漢卜式牧羊先去其害羊者而已余曰當斯時也而得合若茲何論龔黃卜式哉卽子產復作未知席列誰口復更端進曰諸生謏陋不文敢口口世一言刻之于石以爲九鼎口則襄陽庶不朽已余曰諸文學之口碑襄陽者口借途人卮言哉無已則述以子產之摯惠于鄭者飭焉試考作丘賦鑄刑書赭衣冠伍田疇豈不烈然英斷毅然無意者哉至語子太叔有曰日夜思



之朝夕而行無越思如農有畔又曰有德者能以寬服民其次莫如猛太叔寬而口崔苻之澤由此觀之子產非以惠愛狗人蓋借猛行寬必如火炎而人畏之所傷者少水漫而人玩之溺死者故多口義正言猛也所以爲衆人之口也而孟軻氏曰惠而不知爲政豈知僑者哉知僑則知襄陽矣是爲記高令君襄陽人也諱達崇禎九年丙子深秋

吉旦

無撰人名

陳邦翰湖廣澧州人崇禎九年由選貢任慈祥平易以流寇焚燬黑窰公物降職歸民建祠祀之今與柯

懷遠縣志卷之三十六

傳良吏

十三

立潘登貴合爲三侯祠

舊府志

莊祖誼成都人崇禎十五年任甫下車卽設計擒崔

乾兩劇賊以卓異聞

江南通志

舊縣志云莊祖誼四川成都人崇禎十五年由選貢補任時崔乾兩大土賊各樹黨羽假寓邑中凶狡叵測公不動聲色設計擒之民賴以安以卓異題授江防同知尋陞河南按察司副使分守鳳泗士民建生祠以祀之

國朝潘登貴字天章四川嘉定州人順治二年以進士知懷遠縣時兵戈甫定民氣未復登貴寬和鎮靜



一以噢咻爲治境內安之

江南通志  
舊縣志

傳鎮國順治六年由選貢任初承積衰之後大加振

刷如走遞則馬歸官養錢糧則里收吏解招流移除

鋌棍重學校誅响賊禁封船嚴越訴美政爲多

舊縣志

原合瑾陝西蒲城人順治十八年由舉人任寬仁有

惠政惜未久而去合邑泣送者不絕于道

舊縣志

于鴻漸四川營山人康熙十年由舉人任和易清廉

邑民歡戴

舊縣志

馬汝驩旗人康熙十八年由例貢任才幹精敏能應

煩劇懷邑自明末兵燹之後田地荒蕪經界不清豪

懷遠縣志卷之三十六

傳良吏

十三

強兼并以致有糧無地地少糧多逐年積欠官民受

累汝驩詳上憲力爲丈量荒熟無遺編號造冊現存

庫樓至今有爭訟者猶曰馬老爺清丈冊可攷也

舊縣志

志

黃啓祚湖廣應城人康熙二十八年由舉人任革里

役行小單民便之

舊縣志

林逢濟福建晉江人康熙三十六年由舉人任發奸

除惡合邑快心能文造士多所成就焉

舊縣志

許明儒直隸涑水人康熙四十六年由監生任撫字

勞而催科拙落職戍廣西南寧府南寧衛就道之日



合邑士民攀轅泣送餽贖數百金公舉縣人楊麗洲等送至戍所並乞明經楊敷書致永淳令凌森美時加卹濟焉楊以善書名至今凌氏藏其手跡猶存

舊縣志云康熙四十八年奇荒撫卹平糶民亦賴之

劉鑑雲南楚雄人康熙五十五年由舉人任清正自持愛民教士實心舉行恤災傷設義學每朔望次日集諸生課文具酒饌親操月旦三年如一日解組歸里士民歌思建碑學宮以誌不朽

舊縣志

唐暄號晴溪廣西全州人康熙五十九年由舉人知

懷遠縣志卷之三十六

傳良吏

古

懷遠縣縣志自明萬歷中成書更百餘年至暄始重修爲八卷及今又百年雖放失彌多而得此以爲質網羅舊聞而增輯焉暄之功也又嘗脩學宮建澗口浮橋暄自稱其宰邑曰縱有興革不過順民情行所無事而已嘗書二語於堂前楹以自警云誰謂民愚毀譽尙存三代直自知已拙先勞莫放一時間亦可想見其概

李佺占鰲塔記曰懷邑爲山水隩區其望塗山禹朝諸侯之地也其瀆淮水百川之所匯也土曠而瘠瀕河復苦泛溢賢司牧加意拊循始得安堵而



一遇歲祲哀鴻屢告蓋穀旣富之民易而哺飢餓之民難也我懷邑侯唐公自庚子歲來蒞吾邑清映玉壺春回黍谷凡惠農緩征興學造士諸善政無不次第舉矣壬寅春荒民乏食公怒如調飢不遑假寐一日與邑之紳士聚于梓潼閣公憑欄遠眺指而示之曰名山大川四望森列一邑之鉅觀也但水駛而不留山峙而不顧亦形勢之不足也今渦淮合流而下中央突起一洲以當水口余欲建塔於其上攬結兩山之秀氣控引一派之清流且多植脩林茂樹映帶環拱則山川之形勢方盤

結而完固此一邑之利也顧工費繁多非一人能濟若乘此民阻饑之時合願協力以興工役衆則民之糊口有資亦拯飢之一策也諸君其有意乎紳士僉曰是公之免吾民于溝壑也是公之奠安吾邑惠我無疆也凡在宇下咸拜公賜孰不踴躍從命公于是大捐俸以爲之倡好義者皆樂輸貲爲助公測景相土築址于洲上掘地二丈有奇土堅而基厚飢民爭來受役計口而哺計日而餼日果腹者數百人待舉火者數十家公託其事於余與明經楊君敷太學崔君正虬庠友楊君翼聖魏



君俊劉君珮江君紹崔君鉞同襄厥事經始於壬寅春三月朔三日越次年八月而塔成階升七級臨水面山作砥柱於中流本救荒之善政豈直一時之澤一世之利已哉語曰山高蔭廣河濶潤長公與之同不朽矣邑之人士頌公之德弗諉爰鐫之石以垂來禩公名暄號晴溪廣西桂林府全州人康熙己卯科鄉進士

張國綱字振之漢軍由舉人授懷遠令以廉稱尤精於聽斷泣任數載未寃一民乾隆七年歲大饑國綱按名給糧以實心行實政積弊一清父老至今德之

懷遠縣志卷之三十六

良吏

去

孔傳樞山東曲阜人也乾隆元年舉賢良方正十一年授懷遠令嘗慨然曰讀萬卷而不能行一事拜謁先人耻莫大焉培養士氣興利農業持大體不以苛察爲能縣南木欒泉自洛河山北麓流入灌浸塘分注郭坡塘以資灌溉久圯傳樞相度形勢壅者開之自馬頭坡南至滾水壩起水門提閘凡十有二而復作均水約束民食其利而不爭縣北清溝河由淝入淮自抹河口塞清溝漲九溝十湖皆泛濫民被災尤甚前明確山王公濬之於始至傳樞而功克竣又脩學宮捐廉俸作書院延方太史簡爲師由是高第弟



子推一時之彥長清合李佺鄉賢也舉爲世楷復教  
儒童陳禮器習樂舞皆如闕里志前此泮宮未有也  
解組時乾隆十五年矣民立祠以祀其像於城隍廟  
之右

凌燾孔公生祠去思碑記曰昔史稱何武爲太守  
所居無赫赫名去後見思嗟乎所居見稱或近於  
諛若去後之思洵乎直道在人心已雖然所謂無  
赫赫名者豈謂守位謹常旅進旅退云爾哉無亦  
以不矯情不釣譽至若惠政在民浹人肺腑則居  
與去一也我孔大父臺爲至聖先師六十八代

懷遠縣志卷之三十六

傳良吏

七

孫克稱象賢少遊庠孝廉方正裒然爲舉首旋判  
廣德攝壽牧宰五河仁政種種督撫交章薦剡謂  
懷尤疲難非公不可

帝曰俞遂遷懷令時懷自丙子以來高堰堅築罹水  
患者數十載凋瘵之餘鳩鵠堪憐民風日偷士氣  
不振公下車慨然以振興爲己任請蠲請賑歲歲  
皆然且親職其勞不令胥吏中飽復朔設勉敬書  
院延本邑太史敬思方公暨秦州孝廉宜平唐公  
爲多士表率士林彬彬郁郁雅雅魚魚卽他邑諸  
生咸慕其化羸糧而至者不計其數往往掇巍科



爲一時知名士且時招諸生於署類行月課手定  
甲乙示以敦品之要上達之階岌然於禮園書圃  
斯文之盛洵前此所未有也先是 文廟傾頽幾  
歎茂草公親捐俸葺而新之諸紳士皆踴躍爭先  
贊成盛舉公率諸生釋奠畢輒詣明倫堂講習禮  
儀觀者見其薨宇煥然典禮肅然迟迟宛然進退  
雍然咸嘖嘖稱羨不置公之化民也先禮而後刑  
不以聽訟矜能而老吏歎爲不如其情旣得則必  
爲之反覆開導雖趨悍虓豁者多歎息泣下相戒  
不出公門無茂陵陽陵之習時或靈雨旣零輒乘  
肩輿進來桑田親行勸課蒼生日有起色懷向多  
盜自公莅任寬猛互用萑苻之奸漸知斂迹其有  
耆年碩德者每造廬訪焉鄉人驚嘆以爲盛事其  
餘德政更僕難終父老能言之勿庸贅也無何大  
吏嘉之請調清河懷之士民借寇無從扳轅祖道  
者倚裳連襪數百里絡繹不絕或往清河而觀化  
焉聞其至清也值

### 聖主南巡

鑾輿迅速供億不及幾罹參罰懷人憂之未幾  
上復霽容擢爲江防司馬體同郡守例得晉階觀察



許見位愈尊澤愈溥公天下之公非獨懷邑之公也而懷之人食德四載尤戴之深思之至愈久而愈不忘不得已爲之生祠建長生位其中以申朝夕瞻依之忱焉是役也遠近畢集不約而同嗟乎阜鄉之舄難留南國之棠宛在覩斯祠也其如見公乎懷之人紛然來請爰述其意而爲之記公名傳檀山東曲阜人皆乾隆年月日

予養江西等處提刑按察使司按察使前御史巡視北城巡按直隸定遠凌燾譔

費昭浙江人舉人嚴治詐誣無留獄是時光棍呂爾

懷遠縣志卷之三十六

傳良吏

九

誠尤橫昭執法而民以安

余模湖南沅陵人選拔貢生乾隆二十一年至三十五年兩知懷遠縣事明於治法聽斷具得情僞胥吏肅然改事之興墜舉廢戢暴安良前後八年士民愛戴之如一日始建公館於上窰民便之泐碑頌其德以捕蝗勤甲一省受特達之

知升潁州府知府去

周洵字小蘇江蘇太倉州人由舉人選宣城學博擢五河令高相國晉知洵治邑有聲檔案精熟而尤長於摺奏每令主稿皆慎密妥協大奇之曰洵學識絕



倫而又矜平躁釋非百里才也乾隆三十九年五月署懷遠縣事是時案牘塵積蠹役姦民肆爲欺陷洵未到任訪得蠹役詐山西客贓涖任日首嚴胥役百弊頓消縣多訟師以刀筆爲恒業欺壓惛愚有三人者名尤著及見官復百計掩飾委曲數百言一似柔懦重被屈者洵使縱言某益辯頃之洵曰言盡乎某曰盡矣洵曰許余一言乎某曰謹受命洵曰先責汝二十汝服乎某猶欲辨洵曰汝欲借周姓樹訟師招牌今碎汝訟師招牌三訟師皆竄健訟之風以革有無名男子被毆死於岫河北王文俊地越日始知死

懷遠縣志卷之三十六

傳  
良吏

三

者爲太平集周洪離家十四里洵闕呈先問屍親曰有讐乎曰無曰有常相往來者乎曰有洪妻叔段有福是也及驗洵傳問有福神色改常洵疑之卽訊其姪祥悉吐寔未用刑而得其情衆稱爲神民王祥死小腹青有唆屍親王羅氏者曰某也富誣以踢傷甚肖且年老婦人復何所畏王羅氏遂控諸官洵曰汝家有何人曰有姪羅升洵卽傳訊曰非汝羅升老婦人何能告狀當夾訊升伏唆訟洵究唆訟之意何欲升曰爲姑老覓棺材價耳洵曰王祥以陰寒症死某何尤據寔詳上批結是歲秋旱洵買粟四千石平糶



濟民其採買光州者則宮蘭臺也洵日坐堂皇不留  
獄縱民觀之聽訟務得其真常至達旦課勸農桑勤  
而不倦十二月洵升直隸通判去卸事後邑民涕泣  
送以衣繖不受紳士皆奉酒醴以餞宮中丞兆麟方  
歸田於洵之行也取聖泉水貯玉壺成冰以贈之  
雷元福四川重慶府長壽縣人乾隆五十年十二月  
授懷遠縣明年大水自是大水三年斗米千錢餘民  
乏食餓殍載道元福詳請賑濟躬親勸輸分廠賑粥  
民賴全活者甚衆

呂榮字幼心江蘇陽湖人由舉人大挑一等以知縣

懷遠縣志卷之二十六

傳  
良吏

三

分發安徽嘉慶五年春署懷遠事年饑刁手盜孫玉  
林等劫奪于鄉廬鳳道珠公伊庭捕得玉林餘黨猶  
盛榮甫到官受印廳事中卽飭胥役捕其渠魁三人  
指以蹤跡坐而待三刻而獲觀者驚爲神明盜衆立  
解散捕逐月餘四境安堵又善發伏擿姦某邨者竊  
盜藪也跡甚祕莫能發榮以夜往徧叩其門呼曰有  
竊盜事連若屬知縣愛若屬不忍胥隸之求索若也  
故自來若信盜乎皆應曰否請索諸家曰若信非盜  
明當來縣質其証何索爲不來則信盜矣必大索皆  
應曰諾平旦皆來則使人往索其家盡獲贓于窳中



盜藪廓然某鄉人死于池榮驗之乃縊而棄諸水者莫知其由前一夕有見是人行沽於市質之賣酒家曰故識其壺出其酒值十四錢文皆順治康熙榮曰是矣惟兒女子多好畜是錢是當以姦故密訊死者妻知其夫故有所私遂之其家少婦應門室中几列瓦壺卽賣酒人所識窮詰之則以媚姦故爲此婦醉而縊殺之其繩猶在牖間云榮雖善聽訟顧嘗以德化人有聽後妻言訴其前妻子不孝者榮婉言諭之父子兄弟感服去有殺人者當坐其兄弟爭承之不得嘗行淮濱有漁人迎拜曰民故刀手也始愚昧幾

懷遠縣志卷之二十六

良吏

三

亡身官來乃知悔改業爲良民能自活皆官之賜因泣下蓋榮之治刀手盜賊皆靜以偵之威以攝之慈以化之多所省釋使自新且無激變聽訟隨聽隨決無歧無滯每虛已使盡其辭得閒則折之因推誠曉諭無不服者馭胥吏嚴而有法嘉慶六年春大饑榮率縣之紳士林中杭劉天行輸錢賑粥分男女二廠區畫井然事集而民不擾有飛蝗過境不爲害是年夏調署桐城縣事去

沙琛雲南太和人嘉慶六年由舉人知懷遠縣八年去十一年署霍邱以重獄承審不實落職發往軍臺



効力懷遠懷寧建德霍印士民皆呈請巡撫願爲琛  
輸銀贖免縣人檢討孫素等呈畧曰懷邑地接淮淝  
歲多浸漲淹禾漂麥十室九空飛雁哀鴻天涯地角  
惟嘉慶之六年沙合泣任伊始日抱難安之隱憐茲  
無告之民溥置衢尊廣捐佛米倡素封以樂善搗丹  
藥以起疴元氣初培人心胥悅言旋言歸復我邦族  
者蓋不下萬餘戶矣過之可原者一也歲行在戌宿  
匪縱橫沙合捐俸招募義勇訓練馳驅保完安集當  
倥忽戎馬之時路不拾遺市不易肆藉非培養深厚  
能如是乎旣乃伐李晟之竹盜無藏身運虞詡之斤

懷遠縣志卷之二十六

傳良吏

三

根鮮錯節是以各屬有流離之苦而是邑無鋒鏑之  
驚過之可原者二也且三楚多剽勁之風而平阿寔  
萑苻之藪沙合手殲渠魁誠開良善恤緯而鼠何穿  
屋讓耕而牛豈蹊田鄉置儒師月朔則躬臨講貫家  
知絃誦春深而人獻芹藜視彼以鳳易鷓賣刀買犢  
有過之無不及焉過之可原者三也况夫敦崇儒術  
培植士風定甲乙以程文教詩書以毓秀榷楠杞梓  
頗多有造之才翡翠珊瑚亦屬大成之器凡此菁莪  
茂育實由教養兼該過之可原者四也若乃椿萱年  
暮桑梓途遙子厚遠遷誰堪負米少游被謫莫咏循



咳萬里藍關一雙白髮在翼麟庇鳳之廷尤當聞而心惻也過之可原者五也伏冀俯順輿情仰邀慈鑒下以慰愚夫婦孺慕之忱上以廣

聖天子作人之化巡撫初公彭齡以聞奉

上諭初彭齡奏據懷遠懷寧建德霍邱四縣士民先後籲懇代參合沙琛繳銀贖罪初彭齡細訪該參令所莅任各邑均著有循聲應否準予贖罪據實奏聞一摺沙琛前因署霍邱縣任內於逆倫重案未能審出實情問以軍臺効力本罪所應得茲初彭齡奏懷遠等四縣士民均呈懇捐銀代贖可見該參令所到

懷遠縣志卷之三十六 傳 良吏 十四

之處俱有惠政及民故獲罪後猶願代為贖罪但其平日居官既好此次獲罪之由祇係承審不實尚非私罪竟可免其納鍰所有該士民等情願措繳銀兩如尚未交納卽諭令停止若已完繳著卽發還所有參合沙琛着加恩免其發往軍臺効力伊雙親俱已年老著該撫卽飭令回籍侍養以示朕孝治推恩之至意欽此

右知縣

明王所直隸南樂人歲貢在任清謹不久致仕 舊縣志 江一鯉山東卽墨人由歲貢任持心平實催科不擾



在任未久以憂去舊縣志

許武成福建詔安人由知印任屢奉縣委脩理水利

著績舊縣志

詹允吉福建人有吏才後升四川隆武縣知縣舊縣志

右縣丞

明戴珩儀封人歲貢任性率真與知縣林大槐不相

能及林卒無眷屬珩入其室視惟敝衣數襲行李無

長物遂大哭傾囊助其喪及珩去任僅圖書數卷人

以是多焉舊縣志

黃傑浙江餘姚人由知印任清慎有才幹升江寧縣

懷遠縣志卷之三十六傳 良吏 三五

主簿舊縣志

方崇德浙江淳安人由恩貢任蒞官克慎遇下有恩

開墾催科卓有成績舊縣志

范金山山西絳州人監生治農攝捕人稱勤慎舊縣志

右主簿

明王景字景彰浙江松陽人洪武三年任懷遠教諭

開建學校自景始經學才行師表一時後擢山東布

政司右參政坐事謫雲南召還預脩洪武實錄為翰

林院侍講永樂初陞學士有文集行於世舊縣志

程昭永樂間任矩範端嚴教有成績召為兵科給事府志



中 舊縣志

府志

許信成都人成化間由舉人任為教九載始終不倦  
凡諸生禮餽一毫不受 舊縣志

王軾字敬甫廣東揭揚人由舉人任善教不輟務端  
矩範凡諸生贄儀以義辭之教雖在寬執禮自嚴人  
亦以嚴見憚陞蕪湖知縣與時不合引歸祀名宦 舊縣志

府志

羅尚綱福建莆田人由舉人任邵贄勤教恩義兼至  
陞泗州知州 舊縣志

吳越字宗禹浙江鄞縣人歲貢廉靜有古君子風升

懷遠縣志卷之三十六 傳 良吏 美

王官致仕 舊縣志

劉良材浙江平湖人歲貢持心平易立教嚴勤 舊縣志

郭鉞江西安義人舉人經義貫通講授不怠升廣東  
海康知縣 舊縣志

姜自馨廣西馴象衛人舉人持身廉約升廣東普寧  
知縣 舊縣志

彭鳳鳴山西大同府人歲貢由訓導升任院獎有志  
行敦篤學識老成等語 舊縣志

朱日燦崑山人舉人任廉靜和易甄獎士類升北京  
國子監博士歷任工部郎中 舊縣志



左君顛江西太和人由歲貢任方正不阿學宮多所脩建尊經祠下有去思碑舊縣志

國朝滕凌雲崑山人選貢待士有禮講課不懈升陝

西甘泉知縣致仕舊縣志

右教諭

明王應士寧陽人正身率士談藝精確以憂去舊縣志

施乾浙江桐鄉人由歲貢任懷遠訓導溫文寬簡待

士恩禮兼至陞濮州學正子爾志生于懷遠官舍成

萬歷壬辰進士舊縣志

葉良驥金華人歲貢性情坦直有教無隱升周府教

懷遠縣志卷之三十六良吏傳 三

授舊縣志

楊士登冀州人歲貢清苦自守卒於任舊縣志

陸天象歙縣人行脩學博課訓勤敏升黃巖教諭舊縣志

志

方杭浙江桐廬人由歲貢任忠信不欺士心悅服陞

建德教諭舊縣志

李用良蕪湖人歲貢任苦心績學雅志清修升平陰

教諭舊縣志

王之臣直隸栢鄉人由歲貢任先任德州訓導丁憂

復除本學後陞王官質行闇脩堪為後學矜式舊縣志



繆心得固始人忠誠和易士論歸之舊縣志

國朝余潛飛歙縣人歲貢博通經史勤於課士後升

丹徒教諭卒於任葬懷遠淮河東舊縣志

汪公澍陽山人歲貢賦性古質長於詩文待士浹洽

卒於任舊縣志

呂彩字江花號雙槁東萊先生之裔乾隆戊申領順

天鄉薦嘉慶癸亥授懷遠學博任召諸生勤考課士

皆從風親附增置禮器脩補廢墜每遇上丁釋奠延

諸生講求典禮致極誠懇公餘課生徒親啓迪所成

就甚衆貧士或不備脩脯以筐筥載園蔬遺彩彩益

懷遠縣志卷之三十六良吏 天

喜迨彩去之年從受業者數十百人焉每訂正文字

必宗先正愜名理不苟下一字遇有疑義必詢所出

乃加評定性豪爽意度灑然絕遠塵俗喜作八分書

案頭常置古名人篆隸摩挲忘倦每召諸生聚飲縱

談古今事極情歡笑而儼恪之神弗稍弛也數與諸

生言爲已之學人問曰何謂爲已彩曰無所爲而爲

之者爲已也董子曰正其誼不謀其利明其道不計

其功古之學者知道之無窮也故理愈實則心愈空

志愈高則氣愈下曰古之學者進取之功可得聞乎

曰不損則益不虧則補熟操其所得慎審其所爲而



已矣毋急于名急名則心危毋放于言放言終有悔  
既危且悔不可救也曰古之學者何鑒何脩曰卽心  
卽鑒無不明也無不照也仁義禮智欲之則至惟心  
之謂也義利之防敬肆之辨心自知之患不省耳又  
曰心者百體之主凡人所爲詩文字畫皆根於心故  
辨其雅俗可以見其心矣在懷六年所培養甚衆

### 右訓導

明黃得功號虎山開原衛人由經畧親軍累功至遊  
擊崇禎時累遷副總兵加太子太師署總兵銜十四  
年以總兵與王憲分護鳳陽泗州陵駐定遠屢敗張

懷遠縣志卷之二十六

傳

堯

獻忠十五年移鎮廬州十七年封靖南伯

懷遠故老相傳云是時得功剿逐流寇駐兵於上

窑山北民衆恃以安堵今其地尚名黃伯營

福王立江南進封侯旋命與劉良佐劉澤清高傑爲  
四鎮得功鎮儀真明年詔與劉良佐守邳徐旋移鎮  
廬州左良玉東下命得功禦之駐師荻港

大清兵渡江得功收兵屯蕪湖福王潛入其營得功  
奉以迎敵劉良佐歸命招之降得功怒叱之飛矢中  
其喉得功知不可爲拔箭刺吭死田雄遂挾福王降

節錄  
明史



右武職

童生王文杰校字

懷遠縣志卷之三十六  
良吏 三十



補遺

徐文烈紹興人嘉慶七年補龍亢主簿在任十二年有廉平聲律已甚謹持家甚儉遇人恂恂然而其治市井無賴及草竊者不苛而嚴盜賊屏跡嘗以卓薦代理鳳陽縣事歸而謂人曰吾任事兩月餘如日負千金之重而登峻嶺也如黑夜航海但聞波濤之聲而茫乎不知其所之比謝事乃如負重者得息航海者見岸今而後但願守吾之貧且賤者以終焉而已其恬澹知止如此沒于任貧不能歸今妻子猶僑籍焉

懷遠縣志卷之三十六

傳良吏

三

右主簿

張岫字圖峯乾隆庚辰科舉人文彩精贍從遊弟子多取高第任教諭十五年以截取知縣去人士至今思之

孫起嶸字浴泉桐城縣人乾隆己酉科舉人品望清峻而不立崖岸與子言依于孝與弟言依于恭爲人排解紛難常不動聲色而使之自化往往陰受其賜而不知子世昌嘉慶壬戌進士官御史起嶸以迎養去

右教諭